

明

史

明史卷四百十三

外蕃一

禹貢五百里甸服五百里侯服五百里賓服五百里要服五百里荒服而祭公謀父申之曰甸服者祭侯服者祀賓服者享要服者貢荒服者王有不祭則修意有不祀則修言有不享則修文有不貢則修名有不王則修德序成而不至則修刑於是乎有刑不祭伐不祀征不享讓不貢告不王於是乎有刑罰之辟有攻伐之兵有征討之脩有威讓之令有文告之辭先王之制如是而已嚴尤以為古無上策周得中策

漢得下策秦無策焉而宋祁辨之為周得上策秦得
其中漢無策者何也其言曰荒服之外聲教所不逮
其叛不為之勞師其降不為之釋備使其為寇不能
也為臣不得也惠此中夏以綏四方周之道也然穆
王伐犬戎獲白狼傳至幽王遂罹其禍平王東遷西
周以亡惡在其為上策也秦無策謂攘狄以亡國也
亡秦者非胡也秦築長城始隴西北地上郡趙築長
城自代並陰山下燕築長城自造陽至襄平築長城
者不獨秦也然謂長城設險可守其國亦非幸而秦
至二世使更傳數世彼長城者亦如漆城蕩蕩耳漢

高伐秦長城固在也而白登之用終於和親沿及後
嗣公主宮嬪連代下嫁且歲給金錢二億七十萬以
云無策誠無策也武帝自將待邊幕南無王庭矣而
窮其毒民卒有輪臺之悔其使張騫開西域視光武
閉玉門閼得失何如哉唐太宗之用突門肅宗之用
回紇德宗之用吐蕃所謂引外敵平內亂者也然太
宗用之而興二主用之而敝宋人以金滅遼以元滅
金而國亦隨之究而論之唐之和親宋之納幣雖襲
漢故而無策殆甚焉明之興也太祖親逐蒙古又遣
徐達馮勝藍玉等出塞追勦創業之君當如是矣然

著之祖訓西北邊境累世戰爭必選將練兵時謹脩
之不征諸國如朝鮮日本以下皆限山隔海僻在一
隅得其地不足以供賦得其民不足以供役若其自
不揣量來擾我邊則彼為不祥彼既不為中國患而
我與兵輕伐亦不祥也後世子孫不可倚中國富強
貪一時戰功無故興兵致傷人命大哉斯言所見遠
矣成祖三犁剌漢勒銘紀功復遣張輔再定安南鄭
和楊勅三下西洋其興漢武若合一轍然納木河之
駕彌望無一人一騎曾幾何時而土木之難天子蒙
塵三衛屢叛哈密不守交趾既棄倭警日熾浙閩之

海寇內訌而閩陝之流氛熾發明社之屋所自來也由
此觀之黷武果何益哉然終明之世未嘗有甥舅之約
雖貢市賞賚不貲而獻納之名無聞焉較之前代固為
勝之至於鞮譯之使麋至外庭山海之琛輻湊內府足
以耀王會之圖侈職方之志不可謂非一統之盛事也詩
曰莫敢不來享莫敢不來王中國之於遠人來之而已
不言往也若夫選驃騎以驅沙磧駕樓船以涉波濤不
已勞乎舞兩階而有苗格坐明堂而越裳至古之上策
也古之帝王未有不內自治而能治外者治外之道亦
治之以不治而已今考其疆理採其風俗與夫治亂盛

衰之跡著之於篇俾後知鑒戒焉其國以東南西北為次

朝鮮

東國朝鮮最古相傳堯時有神降太伯山檀木下國
人君之號檀君周封箕子國漢初為燕衛滿所據武
帝取為真番臨屯樂浪元菟四郡漢末為公孫度所
據魏滅之晉並入高句麗高麗本扶餘別種王高麗
居平壤即樂浪地後有國內城漢城號三都後唐時
王建代高氏并有新羅百濟東徙松岳以平壤為西
京歷宋遼金元朝貢不絕洪武元年王額表賀即位
遣符寶郎僕斯賜金印誥命大統曆金綺封為高麗

國王三年遣使祀其國山川會定取士格詔許高麗
安南等國貢赴京師會試四年賜高麗貢士金濟第
以不通華言給道里費回籍五年額請遣子弟入太
學表言暹羅國多留蒙古人宜徙蘭秀山逋寇宜討
詔暹羅遠爾國蒙古亦人類蘭秀逋寇一呼可至勿
用兵便七年以高麗貢使煩數遣故元樞密使延安
答里訥意額遣門下贊成事姜仁裕表謝貢方物帝
諭中書省曰高麗貢獻一歲迭至困罷其民涉海險
遠如渠徃使洪師範歸國覆溺幸有脫歸者言其故
否且致疑古諸侯事天子比年一小聘三年一大聘

九州外遠番世一見而已貢物亦無過侈高麗去中國近人知經史文物禮樂畧似中國非他邦比宜令三年或比年一聘貢物產布十足矣丞相其以朕意諭王諸新附遠邦來朝亦明告以朕意乃遣仁裕及賀正旦使金澤還諭之賜王藥餌八年額被弑以養子辛禡嗣相李仁人縱使人蔡斌譏降北元勅還東守臣絕之十年請額諡號不許遣都僉事濮真往訊死之十六年陪臣張伯崔泊來貢以違命卻勿受十八年許禡嗣王賜額諡恭愍貢布萬疋馬千疋謝明年請易冠服弗許二十年指揮僉事高家奴往市馬

初遼瀋民多避亂高麗以降將咬住言索之至是送
馬並流民二百八十餘來歸二十一年禍冠遼東至
鴨綠江大將李成桂反兵逐禍立其子昌齡年又故
昌立定昌君瑤二十四年瑤遣子璵朝明年正月詔
班尚書下璵未歸成桂凌廢瑤自立其國都評議司
奏瑤信讒好殺子璵亦廢駭非門下侍郎李成桂莫
可主國事帝曰高麗僻處東裔非我中國所治從其
自為聲教成桂更名旦徙居漢城請更國號詔仍稱
朝鮮且遣使請誥表不遜下吏索撰表人鄭總安置
雲南二十六年遼東絕朝鮮三十九年請印不

許旦老聽以子芳遠襲卒謚康獻成桂者泉州人自言遠祖翰仕新羅為司空六世孫競休入高麗至成桂凡十七世竟代王氏有國帝以荒裔置不問心固弗善也著之祖訓曰李仁人及子成桂今名旦者自洪武六年至二十八年首尾凡弑王氏四王姑待之成桂將篡侍中鄭夢周李穡簽書李崇仁與瑤謀除之使陪臣李彛奔告於朝曰在貶宰相遣我來告天子請出師致討上流彛於漂水出所記李穡等姓名示使臣趙胖胖還成桂杖檣繫清川獄方鞠問時雷雨忽大作暴漲衝南北城漂沒官署獄吏倉黃攀樹

未以免乃宥令任便居住鄭道傳劾之流咸昌崇仁
京山亡何成桂敗海州墜馬佯疾篤夢周大喜以為
可圖也立召還穉等逮道傳將殺之以及成桂成桂
遣趙英珪要夢周於路擊殺之復故穉於驪典崇仁
為庶人及芳遠嗣位諡夢周為文忠以其忠於王氏
也永樂元年賜芳遠印誥冕服圭玉春秋會通大學
衍義通鑑綱目諸書二年帝欲屯田遼東徵牛朝鮮
以萬頭獻酬絹布 年諭進馬供用獻萬疋十六年
芳遠請老子祠嗣卒諡恭定宣德初賜祠五經四書
性理大全五年獻海東青詔珍異非朕所貴其勿進

使還賜磁器自後聖旦元旦皆使朝貢王請封慶吊
謝使來無常期朝廷有大政頒詔皆遣使正統間賜
王翼善冠龍袞玉帶景泰元年殉卒命子珣嗣珣卒
諡恭順命子弘熾嗣弘熾幼讓其叔璟七年冊為王
成化三年卒諡惠莊子晔嗣六年卒諡襄悼以子初
立兄子葵卒諡康靖子懋嗣懋病風令其弟懌權署
國事正德二年懌嗣王十五年封子崐為世子嘉靖
二十三年懌卒崐立未踰年卒立其弟岷岷疏乞改
大明會典中所載成桂篡逆事從之疏言成桂非仁
人子仁人者京山府吏長庚裔成桂乃新羅司空翰

孫恭愍為嬖人洪倫所弑仁人誅倫立禡迨禡寇遼
成桂反兵傳昌至瑤以國人擁戴請命代立未嘗身
與弑逆願得崩雪至萬曆初重修會典乃更定如今
文云三十八年倭犯朝鮮擊之盡殲奏捷並獻所掠
獎賜有差隆慶元年倅卒謚恭愍從子松嗣初釜山
地屬日本為大海限隔棄於朝鮮日本歲役借朝鮮
穀萬斛朝鮮往索日本乃以釜山為言朝鮮使者曰
我鴨綠江北有朝鮮地因三道江阻絕久為大唐所
有汝能助我復此地則釜山亦可歸也日本以為然
將舉兵而松及其臣方娛情詩酒不介意萬曆二十

年閏白平秀吉遣行長清正率舟師逼釜山鎮分陷
豐德諸郡松令次子琿攝國事走義州求內屬倭入
王京毀墳墓劫王子陪臣剽府庫蕩然一空詔命兵
部侍郎宋應昌督總兵李如松勒兵七萬往援明春
戰平壤攻牡丹臺大破之倭奔王京如松掠地將輕
騎趨碧蹄館中伏敗奴倭亦困乏食乃議款嘉興人
沈惟敬應募三入平壤諭倭獻王京返王子如約縱
歸倭果於四月棄王京遁棲釜山朝鮮遂復國因撤
師渡江歸惟敬同倭使小西飛等來請款兵部尚書
石星主之二十四年遣臨淮侯李宗城鄱指揮楊方

亨冊平秀吉為日本三拾金印宗城次對馬島聞太
守儀智妻美欲淫之智怒將行刺宗城懼重書夜遁
改命方亨同惟敬往秀吉郊受命朝鮮王使州判
奉白土紬為賀秀吉怒其禮微又責二子不往謝仍
留石曼子兵槐釜山如故進表謝恩乞天子處分朝
鮮表文潦草不奉正朔無人臣禮事中變明年復命
總督侍郎邢玠經畧總兵麻貴濟師都御史楊鎬駐
天津申警倭襲執惟敬倭向璫始絕時清正屯尉山
與釜山行長相犄角玠赴王京鎬貴攻尉山追至島
山連破之絕其餉道倭饑偽約降而行長從釜聲援

選銳卒三千，旌旗幟，江上鉤貫，遽策馬奔，為倭襲，擊大潰。又明年，別將陳璘、劉綎、鄧子龍先後至分水陸四路，進剿，稍有斬獲。是年七月，秀吉死，諸倭揚帆盡歸。我兵遮擊之，以捷聞。告廟獻俘，梟平秀政、平正成、素惟敬、市玠等。陞賞有差。凡經理八年而後定。其後朝鮮與對馬、鬼倭復私款。三十六年，松卒，諡昭敬。長子肆先死，立次子暉。命行人熊化往封。泰昌元年，遣叅判李春元、金大得賀萬壽節。天啓三年，肆子倅廢暉自立，奉昭敬妃金氏命，請封。遣議政李慶全等貢方物。五年，命太監王敏政往封。七年，成。

大清兵破義州入平壤倭走孤鳧旋反國崇禎六年
以助餉賜金綺十年我兵再破王京倭降又走江華
鳧執其世子更立主其國東西二千里南北四千里
分八道中曰京畿東曰江源西曰黃海南曰全羅東
南曰慶尚西南曰忠清東北曰咸鏡西北曰平安分
統府郡州縣俗柔謹崇釋尚鬼惡殺多諱忌喜讀書
工詩文衛路悉構嚴室號扁堂未婚者曹處誦經習
射戴折風巾服大袖衫居皆茅茨衣多麻苧色尚白
男女相悅為婚死三年始葬以田制俸以杭醞酒法
無苛條其犯賊及再嫁書名三司子孫不齒人首無

枕背扁側山川九都神嵩北岳海鴨綠江為大入
有江曰大定曰大同而漢江最勝貢物有金銀器皿
螺鈿梳函白綿紬五色苧布豹獺皮人參龍文簾席
白礪紙果下種馬每三年五十疋產杭泰昆布長尾
鷄貂狗八梢魚高麗志八十本為本國徐敬復所著
東國史名人集共百餘家參軍吳明濟選朝鮮詩最
著者徐居正金宗直申光漢南袞李德馨許筠許篈
許筠兄弟狀元而妹氏景樊亦有詩二百篇傳於中
國

日本古倭國至唐稍習華音惡倭名改稱日本隋大業中致書云日出處天子致書日沒處天子無恙其命名取此也海中國倭最大四至各數千里三面環水唯東北限大山有五畿七道三島共一百十五州統五百八十七郡附庸國百餘自拘邪韓國渡一海千餘里曰對海國又南渡一海千餘里曰瀚海國又渡一海千餘里曰末盧國東南陸行五百里曰尹都國又東南百里曰奴國又東百里曰不彌國又南水行二十日曰投馬國又南水行十日陸行一日曰邪摩維國即大倭王所都自是而東而南曰期馬國已

百支國伊邪國郡支國彌奴國好古都國不呼國姐
奴國對蘇國蘇奴國呼邑國華奴蘇奴國鬼國為吾
國鬼奴國邪馬國躬臣國巴利國皮羅國烏奴國竹
斯國秦王國皆倭所屬其國小者百里大不過五百
里倭王世姓王初主號天御中主次曰大村雲尊其
後皆以尊為號後又稱天皇自漢武滅朝鮮使驛始
通凡三十餘國歷代朝貢不絕惟元世祖招之不至
明興頻寇山東濱海州縣及淮安浙東福建諸郡洪
武三年遣萊州府同知趙秩賜璽書讓其王源良懷
良懷言蒙古嘗詠我好語隨襲以兵其使趙良弼也

今使者亦趙姓豈其裔耶將刃之秩徐曰聖天子生
華帝華非蒙古比我亦非良弼後爾殺我禍立至矣
良懷氣沮遣僧秩表貢方物帝亦遣僧祖闌無逸報
使然其寇掠自如始令閩浙造海舟脩倭以於顯為
總兵官出海巡徼也年來貢無表文却之其臣亦貢
茶布刀扇帝曰此私交也亦不受令中書省移文責
王九年遣僧歸廷用奉表貢馬謝罪賜文綺已而帝
覽表曰良懷不誠詔責之十二年來貢無表文安置
使人於陝西番寺明年遣僧如瑤貢馬令禮部移書
責王教掠我海上復却之諸僧皆安置川陝又明年

遣僧入貢乞還安置諸僧使帝曰日本既謝罪還其
使召至京宴賞遣歸十五年歸廷用又來貢於是
有林賢之獄曰故丞相胡惟庸通日本祖所謂日本雖
朝實詐暗通奸臣胡惟庸謀為不軌故絕之也時惟庸
死且三年矣十七年如瑤來貢坐通惟庸發雲南守
禦是年以信國公湯和巡視海上築登萊至浙沿海
五十九城調民兵戍之二十年遣江夏侯周德興築
福建海上十六城設衛所增屯戍嚴下海禁二十七
年勅魏國公徐輝祖練浙兵海上永樂初命太監鄭
和等率舟師三萬下西洋日本首先入貢并擒獻犯

遣賊二十餘人即付使者治之縛置甌中蒸死賜王
冠服文綺金銀古器書畫予勘合百道令十年一貢
使額無踰二百勿挾兵器尋賜印誥封為日本國王
名其國鎮山曰壽安鎮國山帝為文勒石久之良懷
死子道義益奸狡屢寇磐石松門金鄉平陽十五年
遣禮部郎呂淵諭王還所掠海上人明年遣使謝罪
十九年以三千突寇遼東都督劉江殲其衆初江閱
地形得金線島西北望海窩勢高峻扼咽喉特為增
築及偵倭至伏兵山下別遣奇兵焚舟斷其歸路倭
中伏擒斬且盡江以功封廣寧伯自是不敢窺遼然

倭自得勘合多指稱貢舶藏兵刃倭護即貢倭弛即
掠貢即愆期所司不敢深詰聽抵京師宴賚市易飽
飲而去正統後海防漸疎四年寇大嵩入桃渚官庾
民舍焚劫一空驅掠少壯發掘塚墓東嬰孩竿柱上
沃以沸湯視其啼號拍手笑樂捕得孕婦付度男女
剝視中否為勝負荒淫慘酷至有不可言者於是詔
命重師守要地增城堡謹斥堠修戰艦合兵分番屯
駐寇盜稍戢成化中忽至寧波覘有備詭云修貢度
吉士楊守陳貽書主客謝絕之不從正德四年其王
源義澄遣宋素卿來貢素卿故鄞人朱編也逋歸倭

有罷偽充正使其叔朱登識之言於朝素卿賂劉瑾
置不問令還諭王無盜邊因求祀孔子儀注不許嘉
靖二年素卿再至時其王源義植孱闇諸島強爭入
貢左京兆藝興遺僧宗設右京兆高國遺僧瑞佐及素
卿踵至寧波故事番貢至閱貨宴席並以報至先後
為序素卿狡賄市舶太監賴恩攬閱佐貨宴又引坐
設上席間爭長相仇殺而設黨盛尾追素卿及紹興
臨城索不得遂繡旁邑殺指揮劉錦去己深入朝鮮
國王李懌獲以八倭獻詔下素卿獄並二倭瘦死釋
瑞佐還諭王捕宗設九年琉球請封道日本附表乞

賈素卿并請勘合修貢禮部驗表無印勅琉球傳諭
自是絕貢者十七年初張士誠方國珍分據溫台寧
紹諸郡並瀕海及已降滅而餘黨遁海上輒糾島倭
入寇高帝業增置戍守又命南雄侯趙庸招集蛋戶
漁丁之族悉籍為兵於是海上惡少皆仰食縣官而
方張餘黨壯者老老者死旁海郡縣稍得休息永樂
西洋之役華人習知海外饒琛寶而貢使往來益習
海道曲折糾引蔓附剽掠復起至是以科臣言遂罷
市舶不知當罷者市舶太監非市舶也市舶罷而利
孔反為奸商所竊每番貨至以虛詞餽取轉展賒負

絕不償直久乃投豪貴家豪貴家侵牟視奸商適甚
番人坐索動以危言撼當路驅逐又先期漏語使逸
以示德陰握全利其後番人聞而飲恨盤據海洋必
劫有其貲蓄乃已而亡命不逞強有力者復入海聚
衆為舶主為倭向導如汪直徐海之徒皆華人僭稱
王號而其宗族妻子田廬皆在籍無恙莫敢誰何二
十六年始設浙江巡撫都御史姜瓖與福漳泉治兵
捕賊以朱統為之統清勁果於任事日夜詰兵嚴糾
察根株通海窟穴遂搗雙嶼擒巨首許棟因上章鐫
暴二三渠魁侵豪貴諸豪屏息切齒諷臺省奏改統

為巡視竟以專殺奪官並下執同事副使柯喬指揮
盧鏜於獄論死執恚自殺并弛海禁由是東南羣盜
肆起益無忌憚矣三十年汪直突入定海明年壬子
倭犯台州破黃巖流劫象山諸邑復簡都御史王忬
為巡視以俞大猷湯克寬為叅將而募府久廢兵政
積弛士柔脆不習戰忬至請假事權募梟勇徵狼土
諸兵規畫稍定明年癸丑倭犯溫州大猷冒險出洋
搗穴群賊駭散狂突克寬統部卒東西馳擊頗獲首
功賊移舟犯蘇松屠上海之南漚沙薄太倉嘉定遂
圍海鹽掠平湖陷昌國衛臨山所再攻海寧衛破乍

浦延及寧海奉化諸邑凡留內地三月所在焚蕩西
犯松陽北侵海州而福寧碁嶼所亦遭寇乃改忬廵
撫提督軍務忬薦盧鏗為叅將克寬以副總兵屯金
山大猷總浙直兵時任環以雄畧自府同知擢脩兵
蘇松松陽令羅拱宸亦以知兵升浙憲也其秋倭劫
興化擊却之他部據南沙踰五月明年甲寅潰圍出
大掠通州如臯海門有漂入青徐界者山東大震復
以屠大山為應天廵撫兼提督調王忬廵撫大同以
李天寵代之南兵部尚書張綏總督浙直福廣山東
軍務倭自尚沙登岸克寬敗之挾洶港而大猷勦普

陀倭為所乘鎗禦之嘉興再戰孟家堰亦敗遂陷嘉
善焚運艘我師迎擊遁乍浦合長沙灣破崇明知縣
唐一岑死之大猷擊敗之吳淞叅將李逢時又敗之
新淝許國乘勝深入伏起大潰指揮劉勇死之逮大
山斥為民倭據川沙窪柘林為窟明年乙卯陷崇德
轉掠湖州新倭日增惟任環督舟師敗之南沙會所
調田州瓦民狼土兵至蘇人心稍安而工部侍郎趙
文華請祀海神帝遣之兼督察沿海軍務文華故嵩
黨兼挾上寵顧指督臣經經自以宿望不屈叩之時
狼土兵新集銳請擊倭文華趨戰經欲俟所徵永保

兵并力文華佻妄不敢漏師期而江北三丈浦川沙
窪倭報日至文華以經周老師觀望也劫之既而永
保兵至經遣盧鏜督土兵遮擊石塘灣倭奔上江涇
大猷以永保兵夾擊大破之斬級二千溺死無算而
帝入文華言業遣緹騎逮經捷聞兵科請留經平倭
自贖不聽并天寵克寬下獄論死擢御史胡宗憲為巡
撫以周現代經旋改楊宜二人並齷齪無將畧倭勢
復張連冠蘇常諸邑常熟知縣王秋江陰知縣錢鏞
及居鄉叅政錢泮死之任環率師追入太湖逸去他
倭百餘從會稽高埠流劫杭歙直趨南京已從宜興

轉入許墅應天巡撫曹邦輔率僉事董邦政蹙之賊
馬文華欲攘首功不得恨邦輔矜柘林餘倭穴陶宅
大集浙直兵會勦敗績遂委罪邦輔並邦政逮問已
而川兵破周浦賊大猷復有海洋之捷文華遽報蕩
平請還薦宗憲代宜總督以叅政阮鶚代宗憲倭衆
聚新場任環進勦失利攻上海敗之五里橋圍太倉
力拒之殺傷甚衆明年丙辰倭薄温州同知黃釗死
之劫無爲州同知齊恩力戰死絳而巨首徐海擁部
萬餘蕩柘林賊陳東併兵從硤石趨皂林鶚以輕舟
馳入桐鄉令遊擊宗禮帥兵九百禦之斬七十餘級

海為辟易以援絕橋陌與霍貫道俱歿於陣倭乘圍
桐鄉引撞竿撞城城幾壞城上人以索挽上斷竿黃
鐵汁灌城下倭稍却會宗憲間使人持重賂說海罷
圍且疑東以攜其交海潛遁崇德西遁東留攻一日
勢孤亦引去而文華復以尚書視師始文華言殘倭
易滅頃更蔓延帝覺其欺罔高為營特遣已至浙則
與憲宗圖襲海宗憲偵海與葉麻爭一女子相失因
說海縛麻而陳東以桐鄉之役睡毗與麻相倚更遣
謀持珠璣遺海侍兒翠翹說海并縛東且詐為麻書
遺東陰泄之海海得書泣下心德宗憲竟縛麻東以

獻於是海勢日孤因說海至平湖庭謁堅約令海與
東分屯沈莊又詐為東書告其黨與海黨相攻乃督
永保兵襲沈莊乘風縱火海窘溺水死俘麻東獻遂
進文華少保宗憲右都御史餘倭提舟山大猷攻之
未下會夜大雪督兵擲火焚其柵盡殲明年丁巳并
獲巨酋汪直直歛人走海上為舶主頗任俠島主並
嚴事之宗憲以鄉曲習知直迎其母妻至抗慰籍甚
厚因疏言頻歲苦倭恃海上亡命勾引島彝其國王
故未知也請遣使諭日本王禁戢報可以諸生蔣洲
往問過直五島諭意直言日本方亂諸島不相攝誠

貫直等通貢互市願擊賊自効遂留洲往諭各島別
遣養子毛臣王汝先後投款宗憲結以重賂招之降
直詭以豐洲主入貢為名泊岑港宗憲使直所善夏
正質其舟直遂挺身詣軍門請罪宗憲待以賓禮供
帳甚盛具狀請赦直帝謂直元亮不許宗憲乃密檄
斬之以功加太子少保然直雖誅而三千人皆死之
士無所歸益憤恨大亂明年戊午犯福州鵠不能禦
取庫銀數萬兩賄之以新造大舟六艘俾載去陷福
清知縣葉宗文訓導鄔中涵舉人陳晃俱罵賊死攻
惠安知縣林賢戰死命兵部即唐順之視師浙直明

年己未海道譚綸敗倭於馬岡而岑港倭自柯梅趨
泉州浯嶼閩人大譁宗憲縱寇宗憲委罪俞大猷集
職江北倭據白浦鎮副使劉景韶以遊擊丘陞擊敗
之丁堰如皋海門三捷又敗之潘家莊廟灣倭淮安
叅將曹克新敗之姚家蕩景韶追至印莊戰於新州
賊悉焚死刈撫李遂困倭於廟灣水陸進擊搜其巢
多斬獲賊開洋遁去福建新倭陷福安叅將黎鵬舉
敗之屏風嶼永福倭出梅花洋叅將尹鳳擊敗之別
部二十餘艘屯三川沙總兵盧鏜攻破之突犯揚州
丘陞追至錫園馬蹶被殺劉顯擊之白駒沙又敗之

花墩賊盡殄焉自壬子倭入黃巖至是首尾八年江
南北畧平宗憲用間力居多捷奏舉唐順之贊畫功
擢僉都御史四十一年以言官論劾逮宗憲削籍罷
浙閩總督明年復逮至京宗憲自殺初浙江叅將戚
繼光既連破賊於林墩等處引兵還偶倭自東營澳
登岸迎斬百八十級遂行而倭勢轉熾犯邵武羅源
連江直抵興化城攻圍匝月劉顯以兵少不敢進遣
五卒賁文詣府為賊羅獲遂偽顯文赴期入城據三
閩月殺掠焚燬飽颺去復命繼光大猷馳援破之平
海衛斬二千餘級溺死無算追至仙遊同安漳浦擒

載殆盡閩寇悉平其闌入廣東者大猷又截殺之幾
無遺類計海氛踰一紀始靖而受害浙最劇次南直
次閩又次粵所破城十餘掠婦女財物數百萬官軍
吏民戕及俘死者不下十餘萬轉漕軍食天下騷動
而倭亦片帆不返然率海上奸氓乘機鼓煽真倭僅
十之一二其國王絕不聞前遣蔣洲至豐後島轉諭
山口所山口都督源義長豐後太守源義鎮并具咨
表貢方物謝罪量犒其使回咨義長等轉諭王鈐束
然此後朝貢遂絕隆慶時海寇曾一本等勾引生倭
犯仙遊等處巡撫譚綸調義烏兵擊破萬曆二十年

有閔白平秀吉之亂詳見朝鮮傳秀吉太清平盛家
奴以敗魚醉卧樹下遇舊閔白信長出獵欲殺之秀
吉口辯留令養馬名曰木下人因助信長計奪二十
餘州會信長為叅謀阿奇支刺死秀吉統信長兵誅
阿奇支遂居閔白之位諺六十六州分為二閔東曰
相板西曰赤門各船數千隻後遂廢倭王山城君自
號大閔王改元文祿以義子孫七郎為閔白閔白如
漢大將軍大閔為國王上又有天王自開闢以來相
傳至今不與國事惟世享供奉而已每年元旦王率
大臣一謁天王他時並不相接秀吉築城四座名聚

快樂院內蓋樓閣九層粧黃金下隔睡房百餘間將
民間美女拘留淫戀嘗東西遊卧令人不知秀吉死
遺孤秀賴甫七歲娶巨首源家康孫女家康輔~~有~~有
長岐島酋等安得罪家康請取東番自贖令次子秋
安連犯閔之東湧大金尋家康死傳子秀忠稱新閔
白三十七年對馬島酋元蘇等稱秀忠命假道朝鮮
修貢三十九年有日本三人航海至暹羅風漂至南
直柘林命安置延綏明年冒琉球入貢却之四十三
年秀忠以兵三十萬攻秀賴於大坂秀賴敗入保內城
秀忠鑿地道放火秀賴敗死因分據其地收三十六

州四十五年福建將兵獲一舟自稱日本董伯起云
長岐島即肥前洲專監市販今頭目柴田勝來販副
使韓仲雍遣官傳送定海所而去東沙外洋飄倭船
三艘凡二百餘人登山叅將沈有容攻之縛三十三
人沉其舟是年對馬島王平義成遣使以秀忠書至
朝鮮通好歸其俘口并求修貢朝鮮以開其俗嗜酒
信巫輕生好鈔掠兵刃犀利裸身赴陣慣舞刀輕佻
跳躍為蝴蝶陣以揮扇吹海螺為號工設其伏船大
者容三百人男子魁頭斷髮黥面文身婦人拔其眉
黛其額髮垂肩績以髭長曳地浴容者黑其齒衣如

單被穿其中以貫首皆跣足間用屨板屋低小布地
以砂飲食用磁漆器尊者用玉席地坐卧以蹲踞為
恭提掌為悅喜啜茶道旁有茶店如漢人入酒館也
土溫煥宜禾稻產金銀琥珀水晶水銀白珠青玉蘓
木胡椒絹布貢物有盃鎧刀劒扇數珠洒金描金諸
器互市華人喜得錦綺絲綿磁器針初無文字自魏
隋五經佛經得中國始知儒書尤信佛法王子七歲
講聖鬘經天雨曼陀羅華今所傳有法濟大師傳然
啟戒嚴王師行成表及全俊天祥機先大用左省嗜
哩嘛哈諸詩又有吾妻鏡三十本紀本國君臣事蹟

吾妻者島名也

琉球

琉球在中國東南自福建梅花所開洋順颶利舶七晝夜可至由龜覽嶼高華嶼至澎湖島水勢漸低近琉球謂之落捺捺者水趨下不回也西岸漁舟到澎湖已下遇颶風發漂流落捺百不同一或云古名流虬以其萬濤蜿蜒若虬浮水中所轄有古來太平馬齒硫黃熟壁灰堆移山七島並隔海外古不通中國隋煬帝令羽騎尉朱寬入海至其地慰撫不從遣武貴郎將陳稜率兵伐之掠五百人還元遣使招之不

至洪武五年遣行人楊載齎詔往諭其國分為三中
山王察度山南王承察度山北王帕尼芝並遣使貢
方物且請封爵十五年賜中山山南金印文綺明年
賜山北如之時三王爭雄相攻詔諭之二十五年中
山王遣子姪及陪臣子弟入國學一禮遇獨厚以其
朝貢往來賜閩人善操舟者三十六姓自後三王嗣
封皆請於朝間歲一貢五百五十人即福建南臺外
置番使館通至京永樂二年察度卒詔封世子武寧
嗣其年承察度亦卒無子從弟汪應祖攝國來請命
詔賜冠服嗣山南王武寧卒子思紹嗣九年遣坤宜

堪稱來貢偕長史程復至表言長史王茂輔鎮久乞
世國相復本中國饒州人輔臣祖察度四十餘年不
懈今年八十一請致仕還其鄉從之思紹卒子尚巴
志嗣已志卒尚忠嗣自後國王世稱尚氏正統十年
琉球商舶漂至香山港巡戍欲盡戮冒功副使章格
不可奏還其幣十三年尚思達嗣立遣使朝貢亡何
思達卒叔金福嗣金福卒弟布里與子志魯爭立失
其印次弟泰久馳奏命給泰久印嗣王時景泰五年
也未幾山南山北為中山所并泰久傳子德德傳圓
圓傳真以官生蔡賓等五人肄業南雍經五年咨禮部

乞放回省觀許之嘉靖三年正議大夫鄭範入貢令
還諭日本五年真卒子清上表請封遣給事陳侃行
人高澄以太牢祀真封清嗣王使臣疏言弘治時修
撰倫文叙使安南安南乞留詔勅為鎮國寶倫為請
留即琉球請如安南海外遠不得請乞下禮部議議
如安南創使至國授封王拜曰天朝勅詔藏金匱者
八葉於茲矣比還遣王親寧吉長史蔡瀚表謝且言
大明一統志載琉球有落祭居王壁下聚觴饌事非
實杜氏通典集事洲海羸虫錄星槎勝覽諸書亦多
傳訛乞以侃等使琉球錄下史館從之十九年長史

梁粹來貢二十二年復乞還南雍官生梁炫等四人
二十六年貢使蔡廷會本閩籍與給事黃宗聚通餽
謁事覺革賞行勘三十四年清卒明年倭寇浙直敗
還入琉球世子元發兵邀擊賊馬獻所掠金坤等六
人三十七年遣給事郭汝霖行人李際春冊封元為王
四十一年陪臣鄭憲入貢送歸中國漂流人口萬曆
元年元卒子永嗣永卒三十一年封子世寧嗣王先
是琉球日為閩白擾害索金進貢世子差僧天龍送
閩白二百蕉布等物閩白討北山屯兵僧不敢違遂
賞銀四百塊塊重四兩三錢及同倭使回世子不允

僧繼死閔白曰既不肯與北山何受我銀兩每年加利要四千兩世子不得已賠還又差僧建差往行禮閔白留僧差使新納伊到琉球要萬人三年糧食載至朝鮮世子以國小民貧辭之年三十歲以未受冊不敢稱王廵撫許孚遠為奏請始邀封典云三十六年入貢三十七年薩摩州倭侵琉球擄其王四十年遣使修貢報王反國四十三年遣通事蔡蘆奏倭造舟五百脅取鷄籠山諭脩之天啟七年遣蔡延等入貢崇禎元年世子尚豐入貢請封命給事杜三策行人楊掄往封九年入貢十二年中山王使蔡堅等入

貢十七年又使金應元來朝則國已亡矣至南京而
還初其俗以盈虛為晦朔草木為冬夏國人深目長
鼻去鬚點手羽冠毛衣無禮節好剽掠既遣人入國
學奉正朔設官職被服冠裳陳奏章表著作篇什有
華風焉王之下有王親不與政次法司官次察度官
司刑名次那霸港官司錢穀次耳目官司訪問皆土
官為武職以上世及所轄地為姓其大夫長史通事
官司朝貢有定員為文職皆三十六姓及入國學者
為之王并日視朝旦中晏三次羣臣握手膜拜尊且
親者入殿坐賜酒畢疏者移時長聽階下元旦聖節

長至君臣冠服拜龍亭祝慶子為親喪數月不食肉
人死以中元前後日浴尸溪水去腐肉取骨裹以布
帛藏山穴竅木為小牖歲時祭掃啟視之俗畏神神
以婦人為尸女巫之魁稱女君白日呼嘯聚數百人
攜林帶草步騎縱橫入王宮游戲一唱百和聲音哀
慘來去不時王率世子陪臣皆頓首百拜國人有謀
不軌者神即夜告王擒之倭魁時有欲害中山王者
神銅禁其舟易水為鹽易米為沙尋就戮矣王官室
建於山巔國門扁曰歡會府門漏刻殿門曰奉神門
外有小池自石龍口中噴出名瑞泉汲為飲食王出

入乘輿用五色傘以土硃小團扇四柄貼金葫蘆一對為儀衛賦法畧如井田王臣民各分土為之祿食無征歛有事一取之民事已即已用刑甚嚴盜竊即刑剗市用日本錢十當一如宋季鵝眼挺貫富貴家瓦屋不過二三楹餘皆茅土以螺殼甃無釜甑耕無鐵無貴賤著草履入室則脫惟有謁使客具冠履用布纏首結髻於首之右漢人則結於中有職者簪一金簪色貴紫次黃次紅綠白最下王首纏錦帕大袖寬博腰束大帶亦以為色等婦女以羅紋白布為帽雜毛為衣螺為飾下垂小具其聲如珮髻肖童子總

角不施簪珥粉黛上衣之外更用幅如帷蒙背上見
人則以手下之蔽其面下裳如裙倍其幅褶紉而長
覆其足也其貴家大族出入則戴箬笠坐馬上女僕
三四從之宴會令童子歌曲擊柝而舞酒以水漬米
越宿婦人嚼以取汁曰米奇其南番酒釀來自暹羅
武宗嘗賜王杯每出為壽學書及武以倭為師甲用
皮革矢可至二百步節以金鼓衆驍健耐饑寒勞苦
不知醫藥而無疾疫好爭鬪輒刃殺人度不免即剖
腹自斃故海外稱勃國山無猛獸故多野馬牛豕豕
間有虫如蝎虎聲噪如雀尤異貢物有金銀酒海粉

瑪瑙象牙螺殼海巴擢子扇硫黃燕木胡椒諸香
磨刀石又有小琉球近泉州閩人云霽日登鼓山可
望而見其人盛聚落無君長習鏢弩少舟楫不通朝
貢琉球東隣國有三島者三山昂峙巖石層巒民倚
邊而居田瘠少收網魚於海織布為業國人得附舶
至中國雖罄其貲得歸本處父兄稱能事焉又東有
國焉語鬼形殆非人類或云即毗舍那也

安南

安南唐虞時南交也漢平南越置交趾九真日南三
郡唐至德中改安南都護府安南之名自此始後梁

時土豪曲承美據之并於劉隱未幾管内大亂衆推
丁部為州帥入宋黎桓篡丁氏尋為李公蘊所奪傳
至天祚封安南國王安南國號自此始天祚孫吳昆
無嗣以女昭聖主國為塔陳日照所襲明興詔諭海
外征南將軍廖永忠等踰嶺定廣東西時曰燧懼欲
納款以梁王在雲南未決遣漢陽知府易濟諭之洪
武二年令其臣同時敏等來朝貢且請封詔侍讀學
士張以寧典簿牛諒柱封為安南國王賜駝紐塗金
節曰燧已卒弟曰燧受封款侵占城來告急遣編修
羅復仁主事張福詔諭各罷兵三年遣使祀其國山

川日煙卒賜祭封其子日煙嗣無何叔明墓立貢馴
象却之六年奉表謝罪使者言日煙實病死國人願
立叔明詔以前王印視事七年請老傳弟日端報可
然叔明實專國政十一年叔明來告日端喪弟日煒
署國事時安南奉詔陽罷占城兵而獲吏寇掠如故
思明府亦奏安南故其永平等案詔責日煒令廣西
布政司毋納安南貢久之叔明死煒為國相黎季犛
幽城外尋遇弒立叔明子日焜季犛叔明壻也假日
煒名來貢二十五年以安國弒君不道詔絕之明年
遣尚書任亨太御史嚴震直諭出兵討龍州趙宗壽

三十年遣行人呂讓諭還思明五縣不聽日熾旋為
季犛所弑立其幼子焮又斃之大殺陳氏自為舜裔
胡公後國號大虞紀元天聖更姓名胡一元子蒼易
名奎僭稱帝自為太上皇永樂元年賀即位詐表陳
氏絕奎為陳甥求權署國事遣行人楊渤往廉之還
以耆老表上與奎合遂命郎中夏正善往封焉明年
表謝還思明侵地會安南故臣裴伯耆詣闕懇狀告
急而老耄宣慰司護送陳氏孫天平亦奏乞師其冬
安南賀正旦使至帝出天平示之使者錯愕下拜有
泣下者三年命御史李琦行人王樞賁勅詰責安南

奎表謝罪請迎天平歸國帝遣大理卿薛嵩行人聶聰送之勅副將軍黃中呂毅以兵五千護行至丘溫奎以餽牽迎犒壺漿相繼於道度鷄林關將抵芹站忽伏發劫殺天平并二使中等整兵擊之橋已斷引還奏聞帝大怒決意南伐以成國公朱能為大將軍西平侯沐晟新城侯張輔為左右副將軍尚書劉儁叅贊黃福轉餉大將軍右副將軍等統京衛荆湖閩浙兩廣兵出廣西憑祥左副將軍等以巴蜀建昌雲貴等兵出雲南蒙自師次龍州遣行人朱勸諭李葦父子聽以金鑄身贖罪不從能卒於軍命輔盡護諸

將度坡壘閔傳檄數黎賊二十罪晟兵至白鶴江奪
宣江次沱江輔兵至沱江合兵渡富良江進克多邦
城破東都遣泰將李彬攻西都賊焚宮室倉庫遁入
海五年輔晟等破賊等江柵又敗之晉賴山木九江
追至閩海口戰於富良江大破之走入安都督柳升
追之獲船三百隻賊遁俱入海升引兵出奇羅海口
賊敗卒王柴胡等七人擒李犛李保等十人擒其子
澄土人武如卿等擒蒼及偽太子芮偽相黎季犛等
縛獻軍門安南平詔求陳氏後國人言黎賊殘陳氏
無存者乃郡縣其地立交趾布政司都指揮司按察

司分十七府曰交州北江諒江三江建平新安建昌
奉化清化宣化大原鎮蠻諒山新平又安順化升華
四十七州一百五十七縣衛十一所三市舶一安撫
人民三百二十萬蠻人二百八萬七千五百糧儲一
千三百六十萬石象馬牛十三萬五千九百船八千
七百軍器二千五十三萬九千獻俘闕下季犛蒼下
獄赦澄芮等令有司衣食之其後釋季犛成廣西而
澄以善神鎗累官工部尚書別賜姓氏贈陳氏子孫
七人官以黃福妻布按二司事勅訪交趾人才以明
經甘潤祖等十一人為府同知六年輔等凱旋上交

趾地圖東西一千六百六十里南北二千八百里進
封輔英國公晟熙國公升安遠伯是秋簡定復反定
故陳氏臣從下交南有功因上不復立陳氏走化州
說群盜鄧悉等下之聚衆萬餘稱曰南王命晟率師
討之僞仍叅贊十二月戰於生厥江敗績僞與都督
呂毅叅政劉昱皆沒七年勅輔總兵簡定稱上皇立
陳季擴為大越皇帝改元重光季擴者蠻人自云陳
氏後安南民不忍棄陳氏相率歸之輔兵至賊敗於
賊子岡大平海口等處季擴稱故王後請封輔不聽
追至美良獲聞定及僞將相陳希葛等檻送京伏誅

八年召輔還留晟復捕餘黨李擴上表請降帝遣方
政諭李擴以為交趾右布政其黨陳原樽叅政潘李
佑副使胡具澄鄧景異鄧鎔都指揮亡何復反九年
命輔會晟督師敗賊於月常江又破之海上十年輔
破賊於神投海口又破之西心江十一年輔晟會兵
敗賊於愛子江進大索李擴走老過進克三閩繫以
歸檻送京伏誅安南復平以輔留鎮其地十四年召
還以豐城侯李彬代中使馬騏監軍定歲貢扇萬柄
翠羽萬個騏墨而殘交人苦之叛者四起十六年清
化土官黎利反利從李擴為金吾將軍己酉棄降為

巡檢輔還遂反稱平定王以弟黎石為相臣葬都督
聚賊衆范晏等劫掠彬遣都督朱廣往勘擒晏斬以
徇利遁去十八年叅政馮貴侯保討利戰死十九年
彬請屯田言利奔老撾帝諭老撾匿賊持兩端其詰
之尋召彬還以榮昌伯陳智代赦利為清化知府遣
內官山壽諭利竟不赴二十二年都督方政與利戰
於茶龍州指揮伍雲死之召黃福還以兵部尚書陳
洽代福在交十八年有威惠既去而交人益攜利先
後破茶龍諒山知府琴彭易先供死之洪熙元年以
陳智為征彝副將軍討利宣德元年勅智政進勦至

茶龍敗績詔切責奪官別遣成山侯王通克總兵官
討之交趾連歲用兵中國疲於奔命自仁宗雅屬意
招撫帝罷朝御文華殿顧語侍臣蹇義夏原吉楊士
奇楊榮以郡縣安南非太宗意欲知洪永初使自為
國奉常貢與民休息惟士奇榮議與上合五月赦交
趾有罪者黎利弟善據廣威州擁衆數十萬分道攻
交趾城拒却之叅將馬瑛大破賊於清威至石室縣
與通合兵進屯寧橋陳洽言地險惡宜遠斥堠持重
不從麾兵竟渡天雨泥濘伏驟起衝溢大敗洽死之
利方從乂安引精兵來會圓東閔通懼陰詐為利請

封而檄清化迤南歸黎氏清化守羅通曰非君命而
欲賣城不可連戰敗走之賊逼鎮城平州知州何忠
潛出請師為賊所獲喜曰何知州聞名久矣能從我
同享富貴舉酒酌之忠大罵奪杯擲中賊而流血遂
遇害以柳升為征彞副將軍由廣西沐晟為征南將
軍由雲南二道討交趾尚書李慶叅贊黃福仍掌布
按二司事勅通守城練兵同進二年利攻交趾城通
敗之斬其司空丁禮司徒黎矛諸將請乘勢亟擊通
猶豫賊得以樹柵掘塹修器械勢復張陷昌江指揮
李任顧福劉順知府劉子輔死之通飲兵不出賊致

書請和通遣人同利使表貢方物隨具書詣升軍門
乞罷兵立陳氏後曰罵者主其地升以聞軍抵鎮彝
閔連勝心易賊李慶扶病諫不從獨以百騎度倒馬
坡橋壞陷淖伏四起升中鏢死慶亦沒都督崔聚被
執死之惟黃福為賊所得皆下馬羅拜且泣護歸龍
州通懼出下哨河立壇與利盟退師戢兵竟不出前
使表至京帝以示英國公輔輔曰此表出黎利之誦
當益發兵誅此賊耳惟士奇榮力贊從之便遂以待
郎李琦羅汝敬充正使通政黃驥鴻臚徐永達副之
諭安南言利表前國王遺嗣嵩尚在老撾其哈耆老以

實對即受封貢如洪武制勅主帥班師新募三司以
下文武吏士攜家來歸三年偽王陳曷遣黎少頴表
貢代身金人謝罪并送叛人蔡福等還京通坐失律
棄地山壽通賊馬騏激變皆論死贈死事諸臣復其
家四年汝敬等還利表言曷死陳氏絕帝心知其妄
然業置不問六年利獻代身金人請封遣侍郎章敬
通政徐琦詔利權置國事七年敬等還利表謝歲貢
金五萬兩及方物九年廣西總兵山雲奏利死奸臣
黎問等構黨讐殺諒山土官阮世寧七源州土官阮
公蓮并避居龍州及太府勅雲利起微賤因奏立曷

從人望朕志息民遂罷兵利遽奏曷死曷之死利所
為也朝廷即欲問罪不忍毒民令權署國事多行不
義為天所殛爾宜飭邊兵嚴備世事等善撫之利子
麟旋告喪命行人郭濟朱翔往祭仍令麟權署國事
麟一名龍正統二年以奉朝廷謹賜塗金印封真為
安南國王諭還所侵欽州地麟卒子濬嗣一名基隆
天順元年乞賜袞冕視朝鮮不許三年底兄琮耽殺
之自立明年黎壽域等誅琮立濬弟瀨一名思誠五
年命侍讀學士錢溥授冊成化初與鎮安土官岑宗
紹相攻為岑氏所敗占城王茶全攻化州瀨有率兵

救之乘勝入其都執茶全歸詔令罷兵十七年老來告急兵部奏安南東吞占城西并老揭殘破八百偽勅車里宣慰司殺滿刺加使聞其國治戰艦三千欲襲海南所宜申徹勅雲南兩廣守臣嚴禁亡命越境整兵待之時安南雖朝貢侵盜不輟中土人竄入其境有官御史者教之窺雲南而鎮守雲南中使錢能貪恣令指揮郭景取捷徑求賂安南以朝使向道廣而頗錯愕以兵尾其後覘我虛實巡撫王恕械治能黨始戢而巨璫汪直方覲邊功獻取安南策傳旨永樂中調兵教職方郎陸容力爭劉大夏匿其藉以

利害動尚書余子俊得寢弘治八年占城請討安南
閣臣徐溥諫止十年瀨卒子暉嗣十七年暉卒子敬
嗣未踰年卒立其弟誼罷臣阮种擅權正德四年逼
誼自殺黎度廣等誅种表請立暉六年命編修湛若
水往封暉為瀨次子昭出長子瀨有子諱及弟應不
得立其妻正宗強且握兵意不附而暉猜虐民不堪
命十一年鄭綏鄭惟鏜及其黨陳真弒暉諒山都將
陳暉自稱陳氏後與其子昇以諒山之甲攻交州殺
惟鏜自立偽號天應仍稱大虞為真所擊走諒山綏
等共立諱鄭甥也一名倚而暉昇擢長慶肅清都

三府其黨莫登庸尋奔譚登庸荆門漁家子清勇力
善戰能凌水飛數步曰武舉官恭督隸嵩部以罪奔
譚用為宜陽叅將與嵩戰大破之嵩死以功封武川
伯而大將阮弘裕等討弒明之罪攻鄭氏綏奔清化
惟鏐子奔高平國兵柄未有屬登庸賂譚親信諷推
己典兵加太傅仁國公既得志則漸除譚左右易私
人防守之且詭他盜焚劫譚苦逼間行脫至清化依
綏登庸乃偽立應或云登庸收妻應母應登庸子也
譚西遣使乞師為登庸篡取不得進嘉靖改元以即
位詔諭安南國王調調死七年矣使者抵龍州不能

達而還六年登庸受應禪僭號尋耽殺應當是時登庸與陳氏分據交土諷所擁清化乂安順化廣南四道而舊臣不服登庸者往往據險為援九年登庸立子方瀛為國大王自稱太上皇率兵攻諷諷走老撾憤鬱死故臣黎峒鄭江等復立其子寧襲擊登庸走海陽寧返國悉發兵二十萬起鄭綏將而攻海陽未下登庸別選兵萬人兵行出大江竟掩國都寧復走清化登庸取寧旗蓋張而還呼曰得王矣綏兵大潰久之寧悉清化兵討登庸登庸陰結土帥郭遼鶴使襲寧敗之擄寧妃淑寶沉於江寧與綏子惟豐走老

搜集衆八千保清江十六年皇子生議頒諸安南
部奏自正德十年絕貢宜問罪會寧令部臣鄭惟憐
泛海附商舶二年方抵京陳禍亂始末乞師惟憐有
志操能文章為書引申包胥豫讓張良為比讀者悲
之天子銳意征討而雲南巡撫汪文盛得土舍刀鮮
等詞其事執登庸謀阮景等并偽撰大誥一冊交人
武文淵亦來降獻進真地圖文盛列營蒙自縣蓮花
灘扼交廣衝登庸頗懼遣范正毅至雲南投牒自辨
且言黎寧為阮淦子非黎氏後朝廷知其誣罔雖求
降詞不款服遂出師十八年命成寧侯仇鸞為征彝

將軍兵部尚書毛伯溫贊軍事安遠侯柳玭為征蠻
將軍以二廣兵合黔國公沐朝輔為征南將軍以雲
南兵合凡三十五萬入壓境馳諭安南臣民以興滅繼
絕義罪止莫登庸父子有擒斬來獻者賞二萬金加
顯秩又諭登庸父子能籍土地束身歸命亦待以不
死時方瀛已卒登庸奉降表獻所侵欽州四峒地願
內屬遂為壇鎮南關登庸率其姪文明頭目阮如桂
等尺組縈頸徒跣蒲伏壇下伯溫等承制許之暫令
歸國候命時十九年十一月也明年詔赦登庸廢勿
王降為安南都統司使別給銀印世襲海陽山南等

十三路各設安撫司同知等官以登庸統理通隸廣
西布政司仍三年一貢黎寧核果黎氏後畀以所據
地制下登庸死矣聽授其孫福海遂班師已而福海
為黎寧所逐竄海上死子宏漢另族人莫正中作亂
奔欽州其黨范子儀潛永安因擾內地時三十八年
莫敬典討子儀函首獻護宏漢叩關請襲許之後為
黎伯驪所故死林湯海萬厝初子茂洽來貢得襲而
黎寧子罷無嗣世臣鄭簡立黎暉四世孫維邦簡即
惟憐子也維邦死次子維潭立簡子松輔之攻殺茂
洽復據安南莫欲用奔高平敬璋奔新安亡何維潭

執敬璋妻有新安浮海詣督府請款因與約以高平
居莫氏如黎氏漆馬江故事維潭聽命二十五年兩
廣總督陳太科築壇受降如登庸時以維潭為都統
使敬用高平令安南復定二十七年維潭死子維新
襲叛酋潘彥構逆維新走保清化莫氏復振三十年
祿州彝官常達禮侵思陵州諭維新嚴東三十五年
交首七百由龍州港突犯欽州把總祝國泰死之嚴
諭維新擒勦維新稱盜首武永禎在檢橋村段俊在
花謝裴用在觀瀾村黃日在萬寧范泉在塗山該字
在那滿該資在玠瑁皆殘莫嘯聚執扶安等上人獻

總督戴耀檄總兵孔憲卿分水陸並進掃其穴維新亦調水兵六十艘截新安海上誅州長潘都該三十九年海風大作温州獲異船三譯審皆安南人給衣糧縱歸四十二年維新入貢自黎莫治兵相攻交賊翁朝祿與弟興曉竊據東海地四十六年寇欽州四峒祿州何惇屢入犯維新擒首禍三人以獻四十八年祿州蠻韋德慶犯龍州掠人畜天啟元年遣阮世標來貢四年都統黎惟祺侵莫敬寬敬寬長子自刎妻妻及少子三人被擒敬寬與次子逃入山中獲回高平殆黎民自利以下雖稱藩得帝其國死則加偽

諡君長並有二名以偽名事中國其後黎莫二姓遁
為雄而莫氏寢微按安南自李氏都龍編東距海西
抵老撾南接占城北連思明而與中土錯壤則東起
欽州西歷左江北至臨安元江凡界兩廣雲南三省
由廣西則憑祥州鎮南關為孔道由雲南則經蒙自
河蓮花灘可四五日至其東都山川以佛跡勾漏海
富良江為大有艾山二月開仙艾花境內有越王城
天使館浪泊柱銅鼓貢物金銀器皿犀角象牙白絹
薰衣香紙扇產珠丹砂珊瑚翡翠玳瑁蘇合油蒟醬
養羊艾蚺蛇白雉白鹿蟻子鹽波羅密之屬而奇獸

有拂拂似獼猴人面知人生死獐獐似獐善捕鼠俗
彘僚雜居攢悍喜聞椎髻裸下黑齒昂喙好浴江水
平居不冠惟交愛人倜儻善謀驪演人淳秀好學官
制畧仿華風並習漢字合傳有交趾國王被繫入中
國謁藩臣詩及安南使過吉水弔文丞相詩見蓬軒

目錄